



Sùil Sgiobalta			
Diciadain 30 Sultain		Diardaoin 1 Dàmhair	
Seisean 1 (Madainn)	Seisean 2 (Feasgar)	Seisean 3 (Madainn)	Seisean 4 (Feasgar)
Ceumannan	Ceumannan	Gràmar – a dheòin no a dh’aindeoin!	ASN/SLT
ASN/SLT	Sgrìobhadh do Fhileantaich agus do Luchd-ionnsachaidh	SQA (Fhileantaich)	Sgrìobhadh do Fhileantaich agus do Luchd-ionnsachaidh
A’ beachdachadh air Obair Glusaid BS7/AS1*	A’ beachdachadh air Obair Glusaid BS7/AS1*	Eòlas na h-Alba	Eòlas na h-Alba
‘Comic Life’ sa Chlas*	FMG 3-15 (Foghlam Alba)*	Dràma na h-inneal cànan ann am foghlam Àrd-sgoile	Dràma na h-inneal cànan ann am foghlam Àrd-sgoile
Gràmar – a dheòin no a dh’aindeoin!			‘Comic Life’ sa Chlas*
			Àireamhachd & Matamataig 3-15*

*Co-bhùth-obrach còmhla ri luchd-teagaisg Bun-sgoile

1. Ceumannan

Colm O’Rua

Bidh am bùth-obrach seo a' toirt sùil air stuthan-taic a rinn tidsearan airson Ceumannan. Bidh sinn a' coimhead air làrach-lìn GLOW far a bheil na goireasan ri fhaotainn. Cuideachd, bidh cothrom aig tidsearan beachdan a thoirt seachad air dìthean eile agus air dè seòrsa rudan a bu chòir a bhith ann an Ceumannan 5.

2. ASN/SLT

Eàirdsidh McLulich agus Rebecca Castello

ASN - Thèid beachdachadh air trì modhan-obrach ùra a tha gan leasachadh tro dheuchainnean agus tro rannsachadh, anns an tèid ASN ann am FMG a mheasadh, agus air mar a thèid an cur gu feum anns a’ chlas. Cuideachd, thèid cleachdadh nan innealan seo a cheangal ri obair ùr air cuimhne-obrach ann an ionnsachadh cànan, ri leasachaidhean a tha a’ tachairt an-dràsta ann am measadh daineamaig a tha a’ buntainn ris a’ churraicealam airson sàr-mhathais, agus ri modailean co-obrachail a mhìnicheas feumalachdan taic a bharrachd ann an suidheachadh dà-chànanach.

SLT - Ag aithneachadh agus a' toirt taic do chlann le Feumalachdan Cainnt, Cànain agus Conaltraidh ann am FMG.

Seasaidh an seisean eadar-obrachail seo uair an uaireadair agus bidh e ag amas air tidsearan a chuideachadh gus clann le SLCN ann am FMG aithneachadh agus taic a thoirt dhaibh.

Tachraidh an t-ionnsachadh tro obair ghnìomhach agus tro bhith a' co-obrachadh air fuasgladh cheistean. Còmhla, rannsaichidh sinn:

- carson a tha cainnt, cànan agus conaltradh cudromach
- na h-ìrean agus na ceumannan diofraichte ann an sèine a' chonaltraidh
- an t-àite aig SLT agus mar as urrainn dhuinn obrachadh còmhla
- mar a dh'aithnicheas tu leanabh le SLCN ann am FMG
- ro-innleachdan sìmplidh, 'feuch a-màireach' gus leasachadh SLC a chuideachadh sa chlas agad

3. Gràmar – a dheòin no a dh'aindeoin!

Christina Walker

Anns a' bhùth-obrach seo bithear a' beachdachadh carson a tha gràmar na phàirt chudromach de dh'obair cànain agus ciamar a gheibhear air fhigh a-steach don obair sin. Bithear ag obair air puingeann a tha daonnan a' toirt dùbhlann do sgoilearan agus thathar an dòchas gum bi tidsearan deònach puingeann a thogail a tha dùbhlannach do na sgoilearan aca fhèin.

4. Sgrìobhadh do Fhileantaich agus do Luchd-ionnsachaidh

Catriona Nic a' Phì agus Eòghann Stiùbhart

Bidh leth dhen t-seisean a' coimhead air dòighean anns am faodar sgoilearan a bhrosnachadh gus a bhith a' sgrìobhadh gu siùbhlach sa Ghàidhlig. Coimheadaidh sinn cuideachd air na tha air iarraidh air sgoilearan anns an deuchainn sgrìobhaidh aig N5. Anns an dàrna leth, coimheadaidh sinn air a' comharrachadh sgrìobhadh aig N5. Bidh tidsearan a' co-obrachadh am measg a chèile anns a' bhùth-obrach seo.

5. SQA Fileantaich

Calum Iain MacAoidh, Prìomh Neach-measaidh agus
Carolyn O' Reilly, Oifigear Theisteanasan.

Amasan Seisean SQA: taic a thoirt do Luchd-cleachdaidh ann a bhith a' tuigsinn slatan-tomhais nàiseanta ann an Gàidhlig N5 le bhith:

- ag ath-sgrùdadh prìomh theachdaireachdan agus phuingeann ionnsachaidh bho sheisean 14/15 ann an dàimh ri slatan-tomhais
- a' bruidhinn orra sin agus air Slatan-tomhais Measaidh buntainneach còmhla ri co-obraichean
- a' toirt cothrom ceistean fhaighneachd agus soilleireachadh fhaighinn air slatan-tomhais nàiseanta

6. Dràma na h-inneal cànan ann am foghlam Àrd-sgoile

Artair Donald

Bidh Artair Donald, Neach-dràma air Mhuinntireas aig Sabhal Mòr Ostaig, a' cumail bhùthan-obrach dràma air Biadh fallain agus eacarsaich, agus air Na meadhanan sòisealta. Bidh Artair cuideachd a' sealltainn structaran dràma a bhios freagarrach do thidsearan thairis air iomadach cuspair.

7. Eòlas na h-Alba

Catrìona Chaimbeul

Dè th' ann an Eòlas na h-Alba? An urrainn do sgoil sam bith a theagasg?

Anns an t-seisean seo gheibh sibh fios mu:

- Cò dha a tha an Duais seo?
- Aon dòigh air an Duais a libhrigeadh
- Na h-Aonadan a tha riatanach
- Ceanglaichean ri cuspairean eile san sgoil
- An t-Aonad Sùil air Alba
- Mar a dh'fhaodar a chleachdadh taobh a-staigh Roinn na Gàidhlig

Bidh cothrom ann cuideachd ceistean a thogail is stiùireadh fhaighinn ma tha taic a dhìth.

Bùthan-obrach – Bun-sgoil & Àrd-sgoil

1. A' beachdachadh air Obair Glusaid BS7/AS1

Catriona Currie, IRA (Cathraiche)/Kirsty Scott (BSGI)/
Ceitidh Nic a' Ghobhainn, Allt a' Mhuilinn

Anns an t-seisean seo bithear a' coimhead air Obair Glusaid eadar bun-sgoiltean is àrd-sgoiltean. Bidh eisimpleirean de Obair Glusaid gan taisbeanadh agus gheibh sibh cothrom còmhraidh ri ur co-obraichean mun obair as a bheil sibh fhèin an sàs. Bithear a' sùileachadh eisimpleirean fhaicinn air an obair ionmholta agaibh fhèin! Bhiomaid nur comain nan toireadh sibh eisimpleirean de Obair Glusaid leibh air pàipear no air bioran-stòrais, gus cur ris ar còmhraidh.

2. FMG 3-15

Seonag Esson, HMI, agus Maeve NicFhionghain, Foghlam Alba

Bheir an seisean seo seachad an cunntas as ùire air comhairle, treòrachadh agus pròiseactan a tha nam prìomhachasan aig Foghlam Alba gus na h-amasan ro-innleachdail aca a choileanadh. Bidh e ag amas air foghlam 3-18 agus a' gabhail a-steach nan taobhan seo de Fhoghlam Gàidhlig:

- Foghlam Luchd-ionnsachaidh na Gàidhlig
- Gàidhlig agus Foghlam tro Mheadhan na Gàidhlig
- Ag ionnsachadh mu chànan agus mu chultar na Gàidhlig mar phàirt de dhearbha-aithne na h-Alba.

Am measg nam prìomh chuspairean a thèid a dheasbad agus a thaisbeanadh bidh:

- An cunntas as ùire air sgrùdadh: a' bhileag chomhairleachaidh ùraichte agus modailean sgrùdaidh ùra
- An cunntas as ùire air dreach ùr "How good is our school?"
- Comhairle air Foghlam Gàidhlig
- An t-àite aig Foghlam Gàidhlig ann am Modh-obrach 1+2
- A' measadh, a' sgrùdadh agus a' cumail lorg air adhartas agus coileanadh, a' cleachdadh phìosan cudromach bho chunntasan air ionnsachadh agus adhartas
- A' beachdachadh air prìomhachasan airson ghoireasan agus airson ionnsachadh proifeiseanta gus cur ri eòlasan agus buileachadh àrd-inbhe ann am Foghlam Gàidhlig. Na lùib bidh cunntas air toradh a' mhion-sgrùdaidh air ionnsachadh proifeiseanta fad-dreuchd.

3. 'Comic Life' sa Chlas

Donna NicDhòmhnaill

'S e 'Smathsin, le Stòrlann, an aon chomaig Gàidhlig air-loidhne air an t-saoghal! A' cleachdadh seo mar eisimpleir, thig againn air sgeulachdan èibhinn a thoirt beò còmhla ri clasaichean a' cleachdadh iPads agus a' phrògram coimpiutair 'Comic Life'. Bheir sinn sùil air mar a ghabhas na leasan seo a chleachdadh gus raon farsaing de theacsaichean a chruthachadh a' toirt a-staigh diofar mheadhanan.

4. Àireamhachd agus matamataig ann am foghlam farsaing coitcheann 3-15

Lorna Harvey, SEO an gnìomh airson Àireamhachd agus Matamataig, Foghlam Alba

Anns an t-seisean seo bidh cothrom aig tidsearan agus luchd-stiùiridh sheòmraichean-cluiche sùil a thoirt air cho èifeachdach 's a tha curraicealam àireamhachd agus matamataig 3-15 tro Mheadhan na Gàidhlig sna suidheachaidhean acasan. Bidh amas sònraichte air cho math 's a tha an curraicealam ann a bhith ag àrdachadh buileachadh. Le bhith ag amas air 3-15 bidh e nas fhasa meòmhrachadh air leantailachd agus slighe air adhart nuair a bhios clann agus òigridh a' gluasad bho ìre gu ìre.

Bidh an còmhradh agus na taisbeanaidhean ag amas air:

- a' measadh, a' sgrùdadh agus a' cumail lorg air adhartas agus coileanadh, a' cleachdadh phìosan cudromach bho chunntasan air ionnsachadh agus adhartas
- ag ionnsachadh bho thoradh Rannsachadh air Litearrachd agus Àireamhachd ann an Alba (SSLN)
- a' toirt freagairt do thoradh SSLN agus an taic a tha ri fhaotainn
- àireamhachd thar a' churraicealaim
- a' beachdachadh air prìomhachasan airson ghoireasan agus airson ionnsachadh proifeiseanta gus cur ri eòlasan agus buileachadh àrd-inbhe ann an àireamhachd agus matamataig ann am FMG.